

Lokal plan: *Størst av alt- og eg er med! Norum sokn*

Sokn

Norum

Kva har kyrkjelyden som hovudmål for trusopplæringa?

Visjon: Saman vil vi gjera Kristus kjend, trudd, elska og etterfølgd!

Fellesmål: Vi ynskjer at barn og unge, gjennom å dele tru og undring, skal lære å kjenne den treeinige Gud og vekse i trua på Han.

At barn og unge kjenner seg heime i kyrkjelyden, og erfarer eit raust og godt fellesskap der. Vi ynskjer å bidra til at foreldre ser seg sjølv som viktige medarbeidarar i trusopplæringa, og å leggje til rette for eit godt samarbeid med dei.

Grunnlag og særpreg

Norum sokn omfattar områda Fimreite på sørsida og grendene frå Slinde til Øvstedalen på nordsida av Norafjorden. Innbyggjartalet er om lag 700. Norum kyrkje ligg på Ølmheim. Frukt-, bær- og mjølkeproduksjon har vore viktige næringer. I seinare tid pendlar dei fleste til jobb i Sogndal sentrum eller Leikanger. I høve til folketalet er organisasjonslivet rikt og dugnadsviljen stor. Kyrkja står sterkt som samlingsstad i høgtider og ved kyrkjelege handlingar.

Korleis kan ei systematisk trusopplæring for alle døypte bli utforma hos dykk?

Det vart nedsett eit trusopplæringsutval (TOL-utval) våren 2010 og trusopplærar var på plass i november, same år. TOL-utvalet har ein representant frå kvar av dei 5 sokna. Det er ingen prestar i utvalet, men dei har møterett og får referat frå møtene til utvalet.

ToL-utvalet har det siste året jobba med å "stake ut ein kurs" for korleis vi ville byggje opp arbeidet. Vi fann ut at vi ville ta utgangspunkt i det vi allereide har av "suksess-tiltak", som t.d. "utdelings-gudstenestene". Desse tiltaka har stor oppslutnad i sokna våre, og vi syntes det var naturleg å byggje desse ut med samlingar, i forkant-eller etterkant av utdelingane.

Med 5 ulike sokn, såg vi fort at desse samlingane måtte ha ulike "rammer" frå sokn til sokn, men vi vil at TOL-innhaldet skal vere det same. Vi er fortsatt i denne utprøvingsfasen, og prøver å finne kva som høver best i kvart sokn.

Vi synes òg det er viktig å jobbe med dei aller minste. Det var allereide ein "kultur" for babysong i nokre av bygdene våre, og det har vorte ein viktig møteplass for mange foreldre. Etterspørselen etter "noko å gå på" etter babysong var tydeleg frå foreldra, difor starta vi eit arbeid for dei barna som er 1-3.

Sokna i Sogndal valde hausten 2011 å satse på ungdomsleiar trening, som eit tiltak etter konfirmasjon (jfr. tiltak i TOL-planen). Vi trur at ungdom vert ein viktig ressurs som TOL-medarbeidarar for barn og unge. I Ungdomsleiar treningen vår er målet; å trene og utruste ungdom til frivilligheit. Vi har teke utgangspunkt i eit "løp" med tre steg; 1. Vere medleiar på 4 og 11 års-tiltak. 2.-3: Vere medleiar på konfirmantnatt og "Størst av alt"-kveldar. Dette er eit tidkrevande grunnlagsarbeid, og må følgjast opp med regelmessige samlingar.

I desse dagar tenkjer vi å utfordre konfirmantar i Leikanger til å verte med i eit MILK -opplegg frå KFUM-KFUK.

(Dette grunnlagsarbeidet står beskrive under "tiltak", men er ikkje å rekne som eit breddetiltak og står difor utan timar og antal samver.)

Hovudfokuset til TOL-utvalet har det siste året vore å lage ein realistisk og god plan for dei fem sokna våre. Vi innser at vi har mange utfordringar som ligg føre og vi må "skunde oss sakte". Kvart nytt tiltak krev mykje tilretteleggjing, ikkje minst dersom det involverar mange frivillig medarbeidarar. Vi ser at vi dette året får to nye tiltak igang; "Livets skattekasse" for 11 åringer og "Skulestart-gudsteneste" for 6 åringer. I juni vil utvalet drøfte den vidare vegen for 2013. Det er vanskeleg å sjå lenger enn dette, i skrivande stund.

Sentrale dimensjonar i ei systematisk trusopplæring

Når vi inviterer barn og unge til samlingar og gudstenester er det sentralt for oss at dei er aktive deltakarar. Dømer på dette er medliturgar i gudstene, lage og gjennomføre ei bønnevandring, lage gudstenester (gjennom gudsteneverkstad), der barn og unge også pregar heile gjennomføringa. Vi erfarer at dette er oppgåver som både barn og unge meistarar godt, men det fordrar god planlegging og tilretteleggjing frå oss vaksne, gjennom konkrete oppgåver og god tid. Dette trur vi legg eit godt grunnlag for å kjenne seg heime og trygge i kyrkja.

Medverknad frå barn og unge
Vi må altså utfordre barn og unge på oppgåver som er tilpassa dei, men vi vaksne må òg tole at dei ynskjer å ha ei meining om korleis ting skal gjerast. Dette ser vi ikkje minst i ungdomsleiar-arbeidet, der vi ynskjer å trene og utruste ungdom (jfr. ungdomsleiar trening). Dette er eit spennande arbeid der

ungdom er med i planlegging, tilrettelegging og gjennomføring av ulike tiltak, som t.d. "Størst av alt"-kveldar for ungdom. Det er viktig at det er ungdomane sjølve som lagar desse kveldane. Vi tenkjer òg at vi, meir enn nokon gong, må sleppe ungdom til i sokneråda våre- slik at dei får vere med å prege prosessar og utviklinga av arbeidet i kyrkja. Dei har mykje kunnskap om kva ungdom tenkjer om kyrkja og kva dei ynskjer. Like eins bør dei vere med i gudsteneste-utval i sokna, men så langt er det berre eit sokn som har ungdomar i utvalet sitt i eininga vår.

[ungd.leiarar8.pdf](#)

Foreldre som ynskjer at barnet deira skal døypast, må få tydeleg informasjon om at dette er starten på eit "trusopplærings-løp" fram til barnet er 18 år. Vi må òg vere tydelege på at foreldre/fadrar og kyrkja har eit felles ansvar for trusopplæringa til barnet. Vi vil difor utarbeide ei brosjyre i kvart sokn med slik informasjon og om kva tiltak kyrkjelyden har til ei kvar tid.

Allereide i dåps-gudstenesta ynskjer vi å inkludere foreldre og fadrar i dette, då dei får høve til å vere medliturgar; anten som tekstlesarar, be bøner i gudstenesta, eller på andre måtar.

Vi ynskjer at foreldra så tidleg som mogeleg skal sjå seg sjølve som medarbeidarar i trusopplæringa. Vår oppgåve er å gjere foreldre trygge på at dei KAN, og at dei er svært viktige i dette arbeidet. Vi må vere tydelege på at den viktigaste trusopplæringa skjer i heimen! Vi synes babysong (0-1) og ulike småbarnssamlingar (1-3) er gode møteplassar der dette kan bli teke opp og formidla. Her brukar vi songar og bøner som foreldre kan bruke i trusopplæringa heime.

Samarbeid med heimen og familien

Vi må òg i gudstenesten våre - og i andre tiltak, informere foreldre og fadrar om gode nettsider der dei kan finne bøker /CDar og anna.

Vi ynskjer òg å inkludere foreldre og fadrar når vi inviterer til utdelingsgudstenester og samlingar, som leirleiarar når barnet er blitt større, eller som medarbeidarar i konfirmantarbeidet.

Vi vil i større grad enn no, leggje opp til at foreldre får komme til orde i evalueringar av tiltak. Dette er svært nyttig for oss.

Mange tiltak inkluderer gudsteneste, som er hovudsamlinga vår. Det vil gå fram av planen vår, at vi jobbar mykje med å skape tryggleik i samlingar før barn og unge kjem til gudstenesta og møter heile kyrkjelyden. Dei må få tid til undring og arbeid med tema, og verte fortrulege med dei oppgåvene vi ynskjer at dei skal ta del i. Dette betyr at dei må få tid til å øve godt på det dei skal gjere, slik at t.d. 4 åringer kan ta del i femteikns-bøn, eller konfirmanten kan vere med i eit dramastykke, og oppleve at det gir mening og meistring.

Gudsteneste

Oppgåvene må òg fordelast godt og tilpassast den enkelte. Vi har god erfaring med barn og unge som medliturgar under dei fleste ledda i gudstenesta, og som kyrkjevertar, før gudstenesta startar.

Vi ynskjer at barn og unge skal vere synlege i gudstenestene og erfare at dei har sin naturlege plass i kyrkjelyden. Vi vil arbeide med å finne sentrale, gjenkjennande element som går igjen i gudstenestene våre. Dette kan t.d. vere femteiknsbøn, lystenning og teikne bøner på papirrullen i midtgangen (jfr. Sprell levande). Då vert gudstenesta forutsigbar og trygg.

Det er flott at frivillige medarbeidarar brukar si fritid i trusopplæringa, og vi trur at dei opplever det meningsfullt. Vi legg vinn på å respektere tida deira. Møter med dei skal vere presise og strukturerte, og innanfor oppsett tid. Dei må få forespeila ei ramme rundt det dei vert spurde om; Kva tiltak det er, kor mange samlingar, og i kva tidsrom vi tenkjer at dei skal vere med i tiltaket- t.d. i 1 år, eller ein gong pr. år.

Oppfølging av frivillige medarbeidarar

Vi ser at det kan vere lurt å jobbe mot ein fast "stab" på ulike tiltak, som Tårnagenthelg t.d. Då veit dei frivillige medarbeidarne at det er dette tiltaket vi ynskjer at dei er med i, innanfor eit visst tidsrom.

I møte med frivillige ynskjer vi å førebu tiltaka og gudsteneste så godt, at dei veit kva dei går til. Nokre gonger kan det bety å få eit ferdig manus eller oppgåve opp i hendene. Andre gonger er det naturleg at frivillige er inni planleggjingsprosessar saman med dei tilsette, før gjennomføringa av tiltaket. Vi vil følgje dei opp og lytte til deira erfaringar, gjennom evaluering av tiltak. Vi må formidle kor viktige dei er for barn og unge i trusopplæringa. Vi må vere tydelege på at medarbeidarfellesskapet er samansett av lønna og ulønna medarbeidarar, som alle deler og mottek.

Vi har ein frivilligfest for alle frivillige i einiga, kvart år.

I Ungdomsleiar-treninga vår er målet å trene og utruste til frivilligheit. Dette arbeidet er vi igang med. Det er tidkrevande og må følgjast opp med regelmessige samlingar. Men vi har tru på at det er viktig å satse på ungdommar som medarbeidarar i trusopplæringa.

Tverrfagleg samarbeid	<p>Vi er EIN stab i vår eining. Trusopplæring er noko vi gjer saman og der alle dei ulike faggruppene er viktige.</p> <p>For tiltak som krev samarbeid kallar vi inn til planleggingsmøter. Dette skal skje i god tid før tiltaket skal skje.</p> <p>Barne- og ungdomspresten kallar inn til møter som angår konfirmantopplæringa og eldre ungdommar. Trusopplærar kallar inn til dei møta som angår tiltak for 0-13. I planlegginga prøver vi å avgrense ansvaret, slik at alle veit kva som er deira oppgåve. Slik unngår vi misforståingar. Det er viktige at vi ikkje berre går i "gamle" spor og gjer det same som ifjor, men stoppar opp og diskuterer om vi skal gjere ting på andre måtar. Vi vil leggje vinn på å evaluere tiltak i etterkant, og på den måten deler vi erfaringar- noko som bind oss tettare saman som kolleger.</p>
Samarbeid med b/u org	<p>I Stedje sokn har vi samarbeid med søndagsskulane, Sogndal indremisjonsforsamling (SIM) og Gospelklubben, i Kaupanger. Desse har vore deltakarar i gudstenester som "Sprell Levande" og 4 årsbok-utdelingar. SIM og kyrkja driv saman "Barnegospelen" som har øving kvar måndag i lokalet til SIM.</p> <p>Søndagsskulen i Leikanger, ligg diverre nede pr. idag.</p> <p>I Fjærland og Norum har vi eit samarbeid med Barnemisjon og Miniklubben (Normisjon).</p>
Kommunikasjonsarbeid	<p>I tillegg til dette har trusopplæringa vår eit leirsamarbeid med Lyngmo ungdomssenter, eigd av NLM og Sogn og Fj. Indremisjon (jfr. vedlegg)</p> <p>Brosjyre Pangstart 20123.pdf</p> <p>For å nå ut med info om arbeidet vårt, nyttar vi kyrkja si heimeside, trusopplæringa si Facebook-side, brev og SMS. Vi vil i info og invitasjonar i stor grad bruke bilete frå tidlegare tiltak og frå sokna sine lokalmiljø. I all info vil vi vere målretta og alderstilpassa.</p> <p>Vi brukar òg kyrkjelydsblada til å fortelje om tiltak vi har hatt i dei enkelte sokn, og informere om kva som kjem.</p> <p>Innad i staben nyttar vi medarbeidaren.</p> <p>Som før nevnt vil vi òg utarbeide ei trusopplærings-brosjyre for kvar sokn. Denne må informere om kva trusopplæring er, og det felles ansvar som foreldra og kyrkja har.</p> <p>Vi ynskjer at barn, unge og foreldre skal kjenne seg heime i kyrkjelyden. Då må vi òg informere godt om kven kyrkjelyden er.</p> <p>Treng dei meir info, må det kome fram kven dei skal kontakte.</p> <p>Sjå tiltaksplanane. Der går det fram om ansvar og info-flyt (Jfr.kommentar-felta)</p>
Inkludering og tilrettelegging	<p>Størst av alt plakat9.pdf</p> <p>I invitasjonane våre vil vi vere tydelege på at vi vil vite om barn og unge har særskilte utfordringar som vi bør vite om, og som krev tilrettelegging av noko slag. Vi skal ta initiativ til å følgje opp den informasjonen som vi får, og gjere dei nødvendige avtalar med foreldre. I andre tilfeller må foreldre sei noko om støttekontakt skal vere med barnet på tiltaket, eller om kyrkja skal finne bemanning til dette. Det same gjeld utstyr som barnet treng. Her vert det opp til foreldra å bestemme kva dei meiner for sitt barn.</p>
Diakoni	<p>Vi ynskjer at barn, unge og familiene deira skal kjenne seg trygge og heime i kyrkja og kyrkjelyden. Difor må dei alltid bli møtt med eit "velkommen!" i det dei kjem inn dørene i kyrkjene våre. Vi må ta dei med inn i fellesskapet, hjelpe dei til rette, sjå dei og lytte til dei. Vi må hjelpe barn og unge til å vise omsorg for kvarandre, sleppe andre inn som ein naturleg del av fellesskapet. Dette er ein utfordring sidan mange barn kjenner kvarandre frå før og kan dra med seg ulike erfaringar frå skule og fritid.</p> <p>Vi vil leggje vekt på samtale, og på denne måten gi rom for å dele og formidle noko om kven ein er, med dei andre. Vi har valt bibelforteljingar som tek opp Guds kjærleik for den enkelte, om å ta ansvar for andre, om tru og tvil, om tilgjeving og forsoning (Jfr. Juniorkonfirmant- Kode B)</p> <p>I konfirmasjonsopplæringa vert konfirmantane utfordra gjennom tema som; sosial rettferd og engasjement for andre. Konfirmantane har òg ei viktig rolle i gjennomføring av "Fasteaksjonen" kvart år (jfr. Konf.opplæring).</p>
Musikk og kultur	<p>Song er viktig i tiltaka våre. (Sjå salmekanon som vedlegg). Vi gir rom for dans i fleire av tiltaka våre, der vi brukar ungdom som instruktørar for andre (Jfr. ungdomsleiartrening). Konfirmantane kan melde seg på musikkgruppe som bidreg i ulike gudstenester. Ungdomar får høve til å vere med i lovsangsband i " Størst av alt"-kveldane.</p> <p>Andre kunstuttrykk: Vi leitar etter symbol i kyrkjene våre (jfr. Tårnagenthelg) og studerer kyrkjekunsten i kyrkjene våre (Jfr. Barnebursdag).</p> <p>Gjennom tiltaket "livets skatteboks" vil vi at barn skal verte kjend med m.a. bilete, maleri, plansjer, bilete i bøker, gamle songar og bønner.</p>

Vi må gje barn og unge rom til å skape. I nokre tiltak vil vi difor leggje vekt på barns eigen kulturskaping gjennom å forme, teikne, male ulike uttrykk (Jfr. Sprell levande gudsteneste og Pangstart!)

[Salmekanon-forslag3.doc](#)

Misjon kjem inn som eit tema i Pangstart-leiren, som er eit fellestiltak for heile eininga. Her vil vi m.a. nytte boka "Misjon", utgitt av NMSU og Størst av alt.

Misjon

Konfirmantane får òg høve til å " Gå vidare" gjennom ungdomsleiertrening. Her vil vi trene dei til personleg vekst og utruste dei til å "gi det vidare".(Jfr. Ungdomsleiertrening)

Alder	Namn på tiltak	Omfang i samvær	Omfang i timar
0 - 18	Dåpssamtale/ Dåp	2	2
0 - 1	Babysong Sogndal, Stedje kapell	20	30
0 - 12	Barnebursdag i kyrkja	2	3
4 - 4	Undringstime i Norum	1	1
4 - 4	Hausttakkefest- med utdeling av 4- årsbok	1	1
4 - 6	Kyrkjelydstreff for born i Norum	1	2
5 - 5	Tenn lys! Adventsstund i kyrkja	2	3
6 - 6	Skulestart- gudsteneste	1	2
6 - 6	Barna sin påskefest -med utdeling av 6 årsbok	1	1
7 - 7	Kongefest	2	4
8 - 8	Tårnagenthelg	2	6
9 - 9	Påskemysteriet	1	3
10 - 10	Happy day	1	2
11 - 11	Livets skattekiste	1	4
11 - 11	Utdeling av Bibel i Norum	1	1
11 - 13	Pangstart! Leir på Lyngmo	1	16
12 - 12	Juniorkonfirmant- kode B	4	8
13 - 13	Det er ditt val: Snart konfirmasjon	2	4
14 - 14	Konfirmasjons-opplæring	23	60
15 - 18	Ungdomsledar-trening: Går du vidare?Steg 1. På god veg!Steg 2 og Steg 3		
15 - 18	"Størst av alt"-kveld	8	16
15 - 15	Ungdomsleiar-leir før pangstart		

Tiltak i planen retta mot det einsskildre alderstrinnet																			
Alder	0	1	2	3	4	5	6	7	8	9	10	11	12	13	14	15	16	17	18
Tiltak i planen retta mot det einsskildre alderstrinnet	3	3	2	2	5	4	5	3	3	3	3	5	4	3	2	4	3	3	3

Planlagt: Totalt kor mange tiltak: 22

Totalt kor mange timar: 169

Gjennomført 2011:

Totalt kor mange tiltak: 9

Totalt kor mange timar: 113

Gjennomført 2012:

Totalt kor mange tiltak: 4

Totalt kor mange timar: 10

Tiltak i ei systematisk og samanhengande trusopplæring for alderen 0-18 år

Dåpssamtale/ Dåp

Alder: 0 - 18 (2 Samvær, til saman 2 timar)

Mål	Gjennom dåpssamtale informere foreldra om kva dåpen inneber og om den praktiske gjennomføringa av dåpen. Informere om trusopplæringstiltaka i soknet og peike på at foreldre og kyrkja har eit felles ansvar for å følge opp dåpen.
	Livstolking og livsmeistring Praktiske og konkrete framlegg til korleis dåpsopplæring kan skje i heimen dei første leveråra. Reflektere saman over dåp og lovnader. Undring, glede og takk over det skapte.
Tema/innhald	Tru og tradisjon i kyrkja Dåpsbefalinga; Matt 28. 16-20 Jesus og barna; Mark 10, 13-16 Truvedkjenninga. Kristen tru i praksis Bøn og velsigning. Syngje songar. Lystenning for barna. Delta i liturgien og salmane.
Arbeidsmåtar	Dåpssamtale. Gir hefte + cd; " Nå lukker seg mitt øye" Sender ut "Orientering om dåpen" til foreldre. Sender ut brosjyren "Fadderhelsing" til fadrane. Vi tenner dåpslys etter dåpen. Dåpsbarnet får dåpslys og lysestake frå kyrkjelyden. Dele ut brosjyre om trusopplærings-tiltaka som kyrkjelyden har.
Ansvarleg	Sokneprest i Norum
Kommentar:	Sekretær på kyrkjekontoret sender ut infoskriv/brosjyrer om dåpen til foreldre og fadrar. Prestane deler ut hefte og CD, på dåpssamtalen. Dei deler òg ut ny brosjyre om trusopplæring frå soknet, når den er klar.

Babysong Sogndal, Stedje kapell

Alder: 0 - 1 (20 Samvær, til saman 30 timar)

Mål	At foreldre og barn skal kjenne seg heime i kyrkja. Formidle eit positivt Gudsbilete. Motivere til trusopplæring i heimen.
	Livstolking og livsmeistring At barnet skal oppleve undring og glede gjennom song, musikk og leik. Å leggje til rette for eit godt samspel mellom barn og foreldre.
Tema/innhald	Tru og tradisjon i kyrkja Gud som skapar; 1. mos. Guds omsorg for barnet; Salme 139 m.m. Det doble kjærleiksbodet; Matt.22, 37-40 Jesus og barna; Mark 10, 13-16 Kristen tru i praksis Songar med tekstar som formidlar: - Guds kjærleik. - at menneske og verda er skapt av Gud. - bønner til Gud.
Arbeidsmåtar	Song og regler. Rytmeinstrument. Leik. Måltidsfelleskap. Gudsteneste.
Ansvarleg	Trusopplærer i Sogndal og Leikanger
Kommentar:	Det vert informert om babysong i dåpssamtalen til foreldre med barn 0-1 år, i alle sokna. Det er ein bolk med 10 samlingar haust og 10 samlingar vår. Med i tiltaket er kantor i Sogndal og ein ulønna medarbeidar. I 2012 vil vi i tillegg prøve å lage gudsteneste i tilknytning til babysong, Slik det er gjort i Leikanger. Babysongen er i Stedje Kapell i Sogndal.

Barnebursdag i kyrkja

Alder: 0 - 12 (2 Samvær, til saman 3 timar)

Mål	Kjenne historia til kyrkja si. At kyrkja er som ein heim.
	Livstolking og livsmeistring At dei ser livet sitt i samheng med barn som voks opp før. Verte glade i kyrkja si og kjenne at dei høyrer til der.

Tema/innhald	Tru og tradisjon i kyrkja	Verte kjend med kyrkja si historie. Finne "spor" av Jesus i kyrkjekunsten i kyrkja.
		"Gled dykk!", Fil.4, 4-8.
	Kristen tru i praksis	Vi fortel og samtalar om kyrkja. Vi lærer ein ny song med kristent innhald.
Arbeidsmåtar		Lage barnebursdag. Ballongslepp. Måltidfellesskap og godteposar. Lage kor, der ein øver inn ein song med bevegelsar. Event.dans. Vise gjenstandar frå/om kyrkja. Lage ei gåve til kyrkja. Lage utstilling i kyrkja av dei dei har laga.
Ansvarleg	Trusopplærar og sokneråd	
	Trusopplærar sender ut invitasjon og info om tiltaket. Ho tek initiativ mot soknerådet og syter for nødvendig informasjon til dei.	
Kommentar:	1 laurdagssamling og 1 gudsteneste,søndag.	
	Kvart år kyrkja fyller heile tiår. Vi vurderer også kvart "halve" tiår.	



Undringstime i Norum

Alder: 4 - 4 (1 Samvær, til saman 1 timar)

Mål	At 4 åringen vert kjend med dei som jobbar i kyrkja, og vert trygg i kyrkjerommet før dei skal få boka utdelt. Lære om dåp på ein konkret måte.
	Livstolking og livsmeistring
	At han /ho får kjenne seg ” størst i Guds rike”: Sett,høyr-og teken på alvor! At forteljningane om Jesus gir glede, trøyst og oppmuntring. Bli nysgjerrig på å høyre meir. Oppleve venskap og fellesskap i samlinga.
	Tru og tradisjon i kyrkja
	Menneske som del av skaparverket.Kva som skjedde i dåpen. Lese ein av desse bibelforteljningane frå fireårsboka:
Tema/innhald	- Den eine sauen og dei nittini; Luk 15,1-7 - Sakkeus; Luk 19,1-10
	Kristen tru i praksis
	Vi tenner dåpslyset. Vi gir rom for undring om at vi er skapt av Gud. og vi syng "skapings- songar" frå boka. Vi ber femteikns-bøna saman og syng songar frå 4 årsboka. Vi fortel/viser med dokke kva som skjer i dåpen, og kva presten seier under dåpshandlinga. Vi tenner lys i lysgloben.
Arbeidsmåtar	Sende DVD'en "Velkommen", i forkant av samling og gudsteneste. I samlinga "vandrar" vi rundt i kyrkja: Tenner lys i lysgloben. Øver inn teikna i femteikns-bøna. Leikar dåp med dokke og vatn, ved døypefonten: Vi viser korssets teikn. Dei som vil, heller vatn tre gonger over hovudet. Ser på altar/altarbilete/altarring.Prøver å knele. Går tur på galleriet. Leser ei bibelforteljing frå 4-årsboka. Lagar "hav" med blått stoff til bruk i leik og song. Dersom det er tid øver vi på prosesjon og songar, til slutt.
Ansvarleg	Trusopplærar i Sogndal og Leikanger
Kommentar:	Trusopplærar sender ut invitasjon og info om tiltaket.Dersom det er andre som gjennomfører tiltaket, er det ho som tek initiativ i forkant og syter for nødvendig informasjon til desse. I Norum møter barna til samling 45-60 min før gudstenesta.



Hausttakkefest- med utdeling av 4- årsbok

Alder: 4 - 4 (1 Samvær, til saman 1 timar)

Mål	At 4 åringen får vere med og prege gudstenesta. Motivere foreldre og fadrar til å lese boka saman med 4 åringen, og motivere barna til å begynne på søndagsskule/ barneklubbar.
	Livstolking og livsmeistring
	At han /ho får kjenne seg ” størst i Guds rike”. At forteljningane om Jesus gir glede, trøst og oppmuntring. Oppleve venskap og fellesskap i gudstenesta.
Tema/innhald	Tru og tradisjon i kyrkja
	Ta utgangspunkt i ei forteljing om skapinga, frå "Mi kyrkjebok 4"; Alt blir til; 1.Mos.1
	Kristen tru i praksis
	Vi tenner lys og ber fem-teiknsbøna saman. Vi syng songar frå boka. Vi fortel frå boka.

Forteljing. Utdeling av bok. Bruke det blå "havet" og syngje " havsongar". 4 åringane skal saman med presten:Vise femteiknsbøn,vere med å tenne lys i lysgloben,lyse velsignelsen og teikne korssets teikn.

Arbeidsmåtar

Trusopplærar skal: Informere foreldre, besteforeldre og fadrar om nettsidene til:Barn og tru, Iko- forlaget m. fl.

Ansvarleg

Sokneprest i Norum

Utdeling av 4 årsbok vert knytt opp mot undringstime for 4 åringar. Trusopplærar sender ut invitasjon både til gudsteneste og undringstime.Ho syter for bestilling av bøker.

Kommentar:

For tips og idear til kva ein kan fokusere på i høve foreldre og fadrar; sjå www.barnogtru.no



Kyrkjelydstreff for born i Norum

Alder: 4 - 6 (1 Samvær, til saman 2 timar)

Mål

Motivere foreldre, fadrar og andre til å bruke 4 og 6 årsbøkene saman med barna. Elles informere og gi tips om korleis trusopplæring kan skje heime

Livstolking og livsmeistring

At han /ho får kjenne seg ”størst i Guds rike”: Sett,høyrst og teken på alvor!

At forteljingane om Jesus gir glede, trøyst og oppmuntring.Bli nysgjerrig på å høyre meir. Oppleve venskap og fellesskap i samlinga.

Tema/innhald

Tru og tradisjon i kyrkja

Vi snakkar om 4-og 6årsbøkene og lese ei forteljing: Bartimeus; Mark, 10,46-52
Den gylne regelen; Matt 7,2

Kristen tru i praksis

Vi tenner lys. Vi gir rom for undring og samtale.Vi ber femteikns-bøna saman og syng songar frå 4 årsboka. Informasjon om nettsidene til:Barn og tru, Iko-forlaget m.m.

Arbeidsmåtar

Aktivitetar og leikar.Fokus på 4-6 års-bøkene:
Lese historiar og syngje songar frå bøkene.
Bruke rytmeinstrument. Øve på femteikns-bøn saman.
Teikne/ lage noko til kyrkja si, evt. noko dei kan ta med seg heim.
Informasjon til foreldre og fadrar.
Måltidsfellesskap: Kaker og pølser med brød.

Ansvarleg

Norum sokneråd og trusopplærar

Kommentar:

Ein fest for barna i Norum, men der ein spesielt inviterer 4 og 6 åringane som har fått bok. I invitasjonen innbyr ein òg familie og fadrar. Treffet finn stad i midten av januar.



Tenn lys! Adventsstund i kyrkja

Alder: 5 - 5 (2 Samvær, til saman 3 timar)

Mål

Å førebu høgtida som kjem, gjennom innhald og aktivitetar. Verte kjend med historia om Jesu fødsel.

Livstolking og livsmeistring

At han /ho får kjenne seg ” størst i Guds rike”.
At forteljingane om Jesus gir glede, trøst og oppmuntring. Oppleve venskap og fellesskap i samlinga.

Tema/innhald

Tru og tradisjon i kyrkja

Jesus er lyset for verda; Joh, 8.12 Profeten Jesaja sine profetiar om Jesus; Jes. 7.14
Då Jesus vart fødd; Luk. 2, 1-20

Kristen tru i praksis

Vi undrar og deler tankar om; Jesus som lyset for verda, Jesus som frelsaren ein venta på, og då Jesus vart fødd.

Arbeidsmåtar

Leik som "ristar" oss saman. Tenne dåpslyset og lys i lysgloben. Fortelje bibelforteljing. Øve på eit par songar vi kan bruke gudstenesta.
"Lys-stasjonar"i kyrkja og kapellet: 1. Støype eit felles lys, 2.dyppe på lys, 3.lage bivoks-lys. 4. ein enkel bønnevandring i kyrkja, der lyset har ein sentral plass.

Ansvarleg

Trusopplærar

Trusopplærar sender ut invitasjon til barna, og info til dei som skal vere med i tiltaket.

Kommentar:

Tenn lys vert i november,siste veka før advent.

1 ettermiddagssamling 1 gudsteneste.



Skulestart- gudsteneste

Alder: 6 - 6 (1 Samvær, til saman 2 timar)

Mål	At barnet skal kjenne seg verdsett og teken på alvor.
	Livstolking og livsmeistring At han /ho får kjenne seg ” størst i Guds rike”. At forteljningane om Jesus gir glede, trøst og oppmuntring. Opplive venskap og fellesskap i gudstenesta. Skape forventning til det å begynne på skulen.
Tema/innhald	Tru og tradisjon i kyrkja Den gylne regelen; Matt. 7,2 Bartimeus; Mark.10, 46-52
	Kristen tru i praksis Vi feirar, ber og tenner lys for 6 åringane. Vi ber Gud velsigne 6 åringane,skulestarten og deira tid på skulen.
Arbeidsmåtar	6 åringane vert invitert til gudsteneste. Med skulesekk! Forteljing. Forbønn. Vi tenner lys for kvar 6 åring, i lysgloben. Velsigning med 6 åringane framme i koret.
	Event. kaker og saft rett etter gudstenesta.
Ansvarleg	Sokneprest i Norum og trusopplærar Trusopplærar sender ut invitasjon til 6 åringane.
Kommentar:	Siste søndag føremiddag/kveld før skulestart. Konfirmantar evt. ungdomsleiarane tek i mot 6 åringane og registrerer kven som kjem.11 åringane får invitasjon til å vere med, då desse ofte er "fadrar" til 6 åringane på skulen.



Barna sin påskefest -med utdeling av 6 årsbok

Alder: 6 - 6 (1 Samvær, til saman 1 timar)

Mål	Motivere foreldre og fadrar til å lese boka saman med 6 åringen og motivere barna til å lese boka sjølve, når dei har lært å lese.
	Livstolking og livsmeistring At han /ho får kjenne seg ” størst i Guds rike”. At forteljningane om Jesus gir glede, trøst og oppmuntring. Opplive venskap og fellesskap i gudstenesta.
Tema/innhald	Tru og tradisjon i kyrkja Ta utgangspunkt i 6-årsboka": Kven Jesus er. Påskeforteljinga: Kva skjedde med Jesus? Matt.kap. 26-28
	Kristen tru i praksis Fortelje om 6-årsboka, og formidle nokre av dei spørsmåla som ein 6 åring kan ha om Jesus og trua på Han. Gi eit bilete av Jesus, slik han vert framstilt i boka. Påskeforteljinga; Formidle det som skjedde med Jesus, på ein enkel og konkret måte. Dramatisering/rollespel om påskeforteljinga. 6 åringane: Vere delaktig i sang, liturgi,dåpspåminning saman med ein vaksen, lystenning og forbøn. Lyse velsigning til slutt.
Arbeidsmåtar	Forteljing, informasjon og utdeling av bok. 6 åringane saman med presten: Femteikns-bøn. Lystenning. Dåpspåminning. Lyse velsignelsen framme i koret.
Ansvarleg	Sokneprest i Norum Trusopplærar sender ut invitasjon til gudsteneste og til ei 6 årssamling. Samlinga tek til 45 min før gudstenesta. Trusopplærar har ansvar for samlinga. I samlinga øver barna på det dei skal vere med på i gudstenesta, og får gå ein "runde" rundt i kyrkja med dei vaksne, slik at dei vert trygge. Trusopplærar syter for bestilling av bøker. I denne gudstenesta er òg konfirmantane svært delaktige i gjennomføringa. Dette er deira samtalegudsteneste.
Kommentar:	



Kongefest

Alder: 7 - 7 (2 Samvær, til saman 4 timar)

Mål	Lære historia om dei tre visemenn og deira ferd mot Jesus. Lære om heilage tre kongarsdag 6.januar
	Livstolking og livsmeistring Undre seg over spørsmål om: Guds kjærleik til menneska. Håpet; Om å la seg leie av ei stjerne. Reflektere over det gode mot det vonde.

Tema/innhald	Tru og tradisjon i kyrkja	Dei tre vise menn; Matteus 2.
		Lære om nokre tradisjonar knytta til tre kongarsdag i landet vårt og i andre land.
	Kristen tru i praksis	Vi fortel og samtalar. Vi syng, ber og tenner lys.
		Bruke ei krybbe til å fortelje historia. Lage eit enkelt drama- som vert vist i gudstenesta.
Arbeidsmåtar		Øve inn songen "Eit barn er fødd i Betlehem" m.m. Tenne lys.
		Måltidsfelleskap.
		Stasjonar: Lage trearmalys. Lære om "Heilage trekongars dag" i den ortodokse kyrkja. Gå på "stjernejakt" rundt i kyrkja. Pynte og lage si eiga kongekrone, slik at de kan være "småkongar" i gudstenesta. m.m.
Ansvarleg	Trusopplærar	
		Trusopplærar sender ut invitasjon til barna, og info til dei som skal vere med i tiltaket.
Kommentar:		1 samling ettermiddag, 1 gudsteneste, søndag. Samlinga: Prøve å ha denne 6.januar.



Tårnagenthelg

Alder: 8 - 8 (2 Samvær, til saman 6 timar)

Mål	Utforske kyrkja og kjenne seg heime der. Lære om pinsa og kven den Heilage Ande er. Lære om kyrkjelege symbol, og kva dei tyder.	
	Livstolking og livsmeistring	Undre seg over spørsmål om å tru på noko ein ikkje ser. Oppleve glede og spenning i arbeid med Bibelens ord. Lære kyrkjelege symbol.
	Tru og tradisjon i kyrkja	Leit så skal de finne; Matt.7.7 Pinsa og Den Heilage Ande; Apg 2. 1-15. 41
Tema/innhald		Symbola: -Korset -fisken -Dua -Gud fader (auge) -Guds lam -kornaks -tårnet i kyrkja.
	Kristen tru i praksis	Vi ber eigne bønner. Vi syng, deler ut hjarte til kyrkjelyden. Dåpspåminning.
		Arbeidet baserer deg i stor grad på stasjonar og arbeid i grupper: Ta bilete av symbol vi finn i kyrkja. Symbol-puslespel frå "Sprell levande"-opplegget.
Arbeidsmåtar		Skrive bønner og klippe hjarte. Øve inn Tårnagentsongen. Tidsmaskin, der vi møter ein bibelsk person. Klatre opp i tårnet og lage "Tårnmusikk". Lage fruktsalat. Leik, aktivitetar, og forteljing. Gudstenesteverkstad. Måltidsfelleskap.
Ansvarleg	Trusopplærar /prestane	
		Trusopplærar sender ut invitasjon til barna, og info til dei som skal vere med i tiltaket.
Kommentar:		Frå 2012: Samle 8 åringar frå alle 5 sokna i Stedje kyrkje laurdag. Dersom det vert fleire enn 50 stk, set vi opp ein ekstra dag; fredagen før. Samle alle søndag til gudsteneste i Stedje. Invitasjon vert send med info om at det kan verte to Tårnagent-dagar.



Påskemysteriet

Alder: 9 - 9 (1 Samvær, til saman 3 timar)

Mål	Verte kjend med påskeforteljinga og profetiane om det som skjedde med Jesus.	
	Livstolking og livsmeistring	Undre seg over spørsmål om liv og død. Sjå samanhengar. Gi rom for å setje ord på vanskelege spørsmål knytta til Jesu lidning, død og oppstode.
	Tru og tradisjon i kyrkja	Jesu lidning, død og oppstode; Matt.26-28
Tema/innhald		Profetiar om Jesus; Jesaja 52, 13/53,5. Påskesalmar.

Kristen tru i praksis

Vi undrar saman over dette mysteriet. Vi lyttar til kvarandre. Vi syng eit par utvalde påskesalmar. Delta i påske- vandring.

Arbeidsmåtar

Forteljing. Vi lagar ein enkel påskevandring i kyrkja. Bruke lego/Plastelina; Lage eit påska-tablå saman, av Jesu liding, død og oppstode. Måltidsfellesskap.

Ansvarleg

Trusopplærar

Kommentar:

Trusopplærar sender ut invitasjon til barna, og info til dei som skal vere med i tiltaket.



Happy day

Alder: 10 - 10 (1 Samvær, til saman 2 timar)

Mål

Lære barna om dåpen og kva Bibelen fortel om dåpen. Dåpsjubilantane i fokus. Gje 10 åringane ei oppleving av at de høyrer til i kyrkjelyden.

Livstolking og livsmeistring

Kjenne tilhøyring til kyrkja og kyrkjelyden dei er ein del av.

Tema/innhald

Tru og tradisjon i kyrkja

Dåps-og misjons-befalingen; Matt.28,16-20.

Kristen tru i praksis

Vere delaktig i det som skjer i gudsteneste. Vere med å feire gudsteneste.

Fokusere på dåpen og tenne dåpslyset. Dåpspåminning. Forbøns-handling og tenne lys for kvar 10 åring. Gi ei fin helsing med dåpsbefalinga frå kyrkjelyden. Fotografering etter gudstenesta. Feire med brus og kake.Tenne lys for kvar 10 åring.

Arbeidsmåtar

Gi ei fin helsing med dåpsbefalinga frå kyrkjelyden.

Fotografering.

Ansvarleg

Trusopplærar og sokneprest i Norum

Trusopplærar sender ut invitasjon til barna, og info til dei som skal vere med i tiltaket.

Kommentar:

Gudsteneste med ballongar, brus og kake!

Event: Samling for 10 åringane der dei møter 45 min før gudstenesta. Konfirmantar tenner lys, i lysgloben, for 10 åringane.



Livets skattekiste

Alder: 11 - 11 (1 Samvær, til saman 4 timar)

Mål

Lære forteljingar, songar og bønner knytt opp mot livet og formidla gjennom dei eldre sine forteljingar og barndomsminne.

Livstolking og livsmeistring

Verte bevisst på si eiga tru gjennom å lytte til andre si trus-forteljing Reflektere over liv og levnad før og no, i lys av den kristne trua.

Tru og tradisjon i kyrkja

Kyrkja og kyrkjeferda. Songar,salmar og bibelhistoriar. Bønner, bibelske bilete og maleri.Høgtidene i kyrkja.

Tema/innhald

Jesus som tolvåring i tempelet; Luk. 2, 41-52

Kristen tru i praksis

Seniorar fortel om deira opplevingar i kyrkja då dei var barn. Om høgtider, merkedagar og gudsteneste-liv i kyrkja. Songar og bønner dei lærte før. Om Bibel-illustrasjonar og andre kunstuttrykk som var viktige for dei. Forteljingar frå Bibelen.

Arbeidsmåtar

Fortelje og samtale. Lære ein song/ salme/bøn.

Skattekiste med gjenstandar som ein kan ta utgangspunkt i, og studere. Lystenning.

Ansvarleg

Trusopplærar/senior

”Livets skattekiste” er eit opplegg der diakoni og trusoplæring møtest. Opplegget heiter ”frå senior til junior” og står i diakoniplanen for Sogndal kommune.

Kommentar:

Diakonen har ansvar for den fyrste delen av opplegget, medan trusopplærar har ansvar for andre del. Dette opplegget gir høve til å ”utdanne” frivillige, samt vere ein praksisplass for ungdomsleiarar. Livets skattekiste er planlagt starta hausten 2012, og kan foregå i ei av kyrkjene eller i eit anna "miljø".

Trusopplærar sender ut invitasjon til barna og tek initiativ til god kontakt med senior.



Utdeling av Bibel i Norum

Alder: 11 - 11 (1 Samvær, til saman 1 timar)

Mål

Få innblikk i Bibelen sitt mangfald og Bibelen som skattekiste.Motivere til å reise på leir.

	Livstolking og livsmeistring	Verte kjend med Bibelen sine forteljingar. Bli motivert til å bruke Bibelen.
	Tru og tradisjon i kyrkja	Velje ein av desse tekstane: Den bortkomne sonen: Luk 15. 11-32 Den miskunnsame samaritanen: Luk. 10, 25-37 Såmannen: Luk. 8, 4-15(Dersom det er såmannssøndag). På vegen til Emmaus. Jesus viser seg for læresveinane: Luk 24.13-43
Tema/innhald	Kristen tru i praksis	Lytte til forkynning og syngje songar og salmar. Tenne lys i lysgloben og be for 11 åringane. Delta i liturgien. Be Herrens bøn.
Arbeidsmåtar	Presentere Bibelen. Formidle tekstar som er valde. Bøn, songar, velsigning, utdeling.	
Ansvarleg	Sokneprest i Norum	
Kommentar:	Sokneprest har ansvar for at invitasjon vert sendt ut til 11 åringane og at Biblar vert bestilt.	



Pangstart! Leir på Lyngmo

Alder: 11 - 13 (1 Samvær, til saman 16 timar)

Mål	Vi har tema som rullerer i ein 3 årsbolck: 1 år: Luft: Lære om kven den Heilage Ande er og om Andens frukt. 2 år: Eld og vatn: Lære om kva misjone er. 3 år: Jord: Skapt av Gud! Lære om skapingsforteljingane i Bibelen og reflektere over dei.	
	Livstolking og livsmeistring	Gi rom for å stille spørsmål om tema. Gi rom for undring, refleksjon, tvil og tru. Gjere eigne vurderingar om kva dette vil sei i den enkelte sitt liv.
	Tru og tradisjon i kyrkja	1. Pinsedag, Apg. 2, 1-13. Livet i Anden, Gal. 5, 16-26. 2. Paulus, Apg. Dåps og misjonsbefalinga, Matt 28, 16-20 3. Skapinga, 1.mos 1-2.
Tema/innhald	Kristen tru i praksis	Vi lyttar til forkynning og samtalar om det vi har høyr. Vi syng, les i Bibelen, ber eigne bønner og tenner lys. Ber Herrens bøn, kvar kveld. Refleksjon om tema også gjennom kreative uttrykk.
	Verkstader: Male bilete og lage noko med hendene, musikk, natursti med Bibel m.m. Aktivitatar: Sykkeltur, Kode B dansen (innimellom), ballspel, kano og bading, kreativitet hjørne. Kvar morgon: Morgonsamling med bibel-refleksjon, som set igang det vi skal jobbe med i verkstaden den dagen.	
Arbeidsmåtar	Kvar kveld: Kveldssamling med lystenning for kvarandre.	
	Skrive eigne bønner, be Herrens bøn saman, syngje, samtale. Andre samlingar: Film og bålkveld, leirkveld, Bad-hair.	
Ansvarleg	Trusopplærar i Sogndal-Leikanger og Luster, og Barne-og ungdomsarbeidar på Lyngmo.	
	Pangstart vert i dei siste dagane før skulestart. Invitasjonen må signalisere ”Føst til mølla”-prinsippet. Dei som ikkje får plass første året får sjansen året etter. Felles-opplegg for Sogndal/Leikanger/Luster.	
Kommentar:	Trusopplærarane har ansvar for TOL-innhaldet på leiren og lagar invitasjon som dei sender ut. Dei set opp dagsplanar saman med barne-og ungdomsarbeidar på Lyngmo, vurderer ulike aktivitatar og anna praktisk, saman med henne. Lyngmo tek imot påmeldingar på si heimeside.	



Juniorkonfirmant- kode B

Alder: 12 - 12 (4 Samvær, til saman 8 timar)

Mål	Skape leseglede, nysgjerrigheit og undring over Bibelen sitt mangfaldige innhald.	
	Livstolking og livsmeistring	Erfare vennskap og kjensla av å høyre til. Undre seg over spørsmål om: Vennskap og relasjonar, tru og tvil, tilgjeving og forsoning.
	Tru og tradisjon i kyrkja	Kva er Bibelen? Skapinga: 1.Mos 1.1-31 Babels tårn: 1 Mos 11,1-9 Moses reddar Israel: 2.mos.7-15 Forteljinga om Jesu liv: Bli kjend med Jesus: Matt.1. 18-2.23 m.m. Det handlar om vanlege menneske: Bli kjend med disiplane: Matt.4 18-22 og Mark 1,14-20 m.m.
Tema/innhald		

Kristen tru i praksis

Vi lyttar og samtalar. Liturgisk avslutning :
Song,lystenning, Herrens bøn, velsignelse.

Arbeidsmåtar	Sjå ein temafilm i kvar samling. Song/dans. Forteljing. Danse Kode og syngje "Love"-songen. Ulike aktivitetar. Førebu gudsteneste. Måltidsfelleskap.
Ansvarleg	Trusopplærar
Kommentar:	Trusopplærar sender ut invitasjon til barna, og info til dei som skal vere med i tiltaket. Ein samling i veke 2, 3, 4, 5 Vi avsluttar opplegget med "Såmanns-gudsteneste" i kyrkjene.



Det er ditt val: Snart konfirmasjon
Alder: 13 - 13 (2 Samvær, til saman 4 timar)

Mål	Å gi god informasjon om konfirmasjonsopplegget i soknet. Bli teken på alvor.
Livstolking og livsmeistring	Gje tryggleik til å gjere eigne val. Om tru og tvil; at det er lov og vere underveis. Å ha ein heim i Guds kyrkje på jorda.
Tru og tradisjon i kyrkja	Verte kjend med at konfirmasjon er stadfesting av dåpen. At kyrkja tilbyr konfirmasjon-opplæring for dei som ynskjer å verte konfirmerte.
Tema/innhald	Å høyre til; Joh.3,16, Joh.1,9-12
Kristen tru i praksis	Vise info-film om konfirmasjon i soknet dei tilhøyrrer. Fortelje og lytte. Gi rom for spørsmål og refleksjon om dåp og konfirmasjon. Vere tydeleg på at konfirmasjonstida er open for både døypte og udøypte ungdommar.
Arbeidsmåtar	Dele ut brosjyrar om konfirmasjonsopplegget. Vise Info-film. Leggje opp til spørsmålsrunde. Informere om dåp. Vere tydeleg på at koreldre og konfirmantar kan ta kontakt med prestane for spørsmål,seinare.
Ansvarleg	Sokneprest i Norum
Kommentar:	Prestane har ansvar for å ta kontakt med skulen dersom samlinga med konfirmantane skal vere der. Dei har òg ansvar for invitasjon/info til foreldre, i høve foreldremøte.



Konfirmasjons-opplæring
Alder: 14 - 14 (23 Samvær, til saman 60 timar)

Overordna mål:
At konfirmantane opplever ein heim i Guds kyrkje på jorda.
At dei skal oppdaga at Guds rike er ein skatt, og at dei sjølve er verdfulle perler.

Prosessmål:

At alle konfirmantane opplever seg sett, respektert og teken på alvor.

At alle konfirmantane får ei meir heilskapleg forståing og oppleving av kristent trusgrunnlag.

At alle konfirmantane får ei meir heilskapleg forståing og oppleving av kristne praksisar, med vekt på gudstenestefeiring, diakoni, bibelbruk og bøn.

At udøypte 14-åringar vert hjelpte til å komme fram til ei avgjerd om dåp.

At konfirmantane opplever seg som verdfulle medarbeidarar i kyrkjelyden

At konfirmanttida oppglødar til vidare medarbeidarskap i kyrkjelyden.

Læringsmål:

Bibelstoff:

Mål

Fader Vår (Matt 6, 6-13)

Dei 10 boda (2. Mos 19,20; 20, 1-20)

Den vesle Bibelen (Joh 3,16)

Kjærleiksbodet (Matt 22, 37-40)

Den gylne regel (Matt 7,12)

Dåpsbodet (Matt 28, 16-20)

Jesus er vegen (Joh 14,6)

Jesus er oppstoda (Joh 11,25)

Anna:

Truvedkjenninga

Namnet på perlene i Kristuskransen

Utvalde salmar

Livstolking og livsmeistring

Tru og tradisjon i kyrkja

Dåpen.

Symbolikken i Kristuskransen.

Det eine menneske er unikt, vi er eit fellesskap.

Alle velkomne i kyrkja.

Gud er verten som ber oss inn.

Å vere del av eit gudstenestefeirande fellesskap.

Undring og respekt i møte med skaparverket, meg sjølv og medmenneska.

Sjølvbilde og menneskeverd.

Gudsbilde – Gud er alltid større.

Refleksjon over ulike sider ved Jesu person.

Å respektere sine egne og andres grenser. Etikk.
Kristuskransen.

Dåpsbodet (Matt 28, 16-20). Døypefonten.

Alteret og nattverdselementa (Joh 3,16).

Korset som Jesu teikn.

Fader Vår (Matt 6, 6-13).

Det store gjestebodet (Lukas 14, 15-24).

Skaparverket fortel om Gud, hans storheit og godheit (1. trusartikkel og Salme 34,9).

Mennesket skapt i Guds bilde (1. Mos 1, 27-28; 2,18-25, Salme 8).

Mennesket som forvaltar.

Jesus er sant menneske (2. trusartikkel og Luk 2, 1-6).

Jesus gjer ikkje skilnad (Mark 10, 13-16).

Jesus er kjærleik (Joh. 3,16).

Jesus er sterkare enn døden (Joh 11,25).

Jesus er Guds son (Matt 16, 13-16).

Jesus er verdens lys (Joh. 8,12).

Jesus er frelsaren (2. trusartikkel og Joh 14,6).

Diakoni, sosial rettferd, engasjement for andre (Kain og Abel, 1.Mos 4, 8-9, Den miskunnsame samaritanen, Luk. 10, 25-37, Den gylne regelen Matt 7,12).

Dei ti boda (2. Mos 19,20; 20,1-20)

Kyrkjelyden som fellesskap (3. trusartikkel og Apg 2,1-13).

Dåp.

Bønn med Kristuskransen.

Bønn og lystening.

Å be Fader Vår.

Nattverd.

Å førebude og feire gudsteneste som deltakar og medhjelpar.

Måltidsfellesskap i kyrkja.

Å førebude og gjennomføre bønnevandring.

Å motta frå Gud og møte hans godheit gjennom skaparverket.

Mennesket som forvaltar.

Å ha tillit til Jesus.

Å ta vare på kvarandre.

Sosial rettferd.

Konfirmantåret tek til ultimo august og sluttar i løpet av mai. Læremateriell er boka ”Skatten og perlene” samt Kristuskransen.

Vi har samlingar i kyrkja, på kyrkjelydshytta, i aktivitetsgrupper og konfirmantnatt. Feiring av enkle opnings- og avslutningsliturgiar. Ved store fellessamlingar skjer undervisninga i mindre grupper. Øving og førebuing av gudstenester. Måltidsfellesskap.

Alle lagar sin eigen kristuskrans. Gjennom året lagar vi

1) Stort trekors med mange steinar, kvar stein har eit konfirmantnamn.

2) Ein stor mangefarga plakat ut frå spørsmålet ”Kva farge har Gud?”

3) Eit stort, kvitt Krisutslys.

4) Plakatar med fargerike håndavtrykk, eit frå kvar konfirmant.

Desse gjenstandane vert brukte i samtalegudstenesta.

Arbeidsmåtar

Når samtalegudstenesta vert førebudd, gjennomfører konfirmantane ein kort skriftleg eller munnleg prøve. Pensum er lista opp i rubrikken ”Mål” under ”Læringsmål”.

I tillegg til undervisningsopplegget og dei fire gudstenestene som høyrer inn i dette, deltek kvar konfirmant på fem andre gudstenester. Frammøte på desse andre gudstenestene vert dokumentert i eigen protokoll eller på annan måte. I nokre av desse gudstenestene er konfirmanten medliturg.

Ansvarleg

Soknepresten i Norum

Mykje av konfirmantsamlingane i Norum vert gjennomført saman med konfirmantane frå Stedje og Fjærland, konfirmantane frå desse tre sokna går på same skule.

Samver 1: Kyrkja som hus. Sakramenta. Gjenstandar i kyrkja. Det store gjestebodet. Førebu presentasjonsgudsteneste.

Samver 2: Presentasjonsgudsteneste

Samver 3: Tur i naturen. Gud som skapar. Mennesket som forvaltar.

Samver 4: Gode trafikkreglar. Dei ti boda.

Samver 5: Kven er Jesus? Førebu lysmesse.

Samver 6: Lysmesse.

Samver 7: Om jul og advent.

Kommentar:

Samver 8: Kven er eg? Mitt liv, min historie. Sjølvbilde og eigenverd.

Samver 9: Det er ikkje godt å vera åleine. Kropp, sjølvbilde, seksualitet.

Samver 10: Døden, sorga og det vonde. Nestekjærleik og diakoni. Å ta ansvar. Bønevandring.

Samver 11: Konfirmantnatt, inkludert innsamling til KFUK-M sin globalaksjon.

Samver 12: Førebuing til fasteaksjon.

Samver 13: Fasteaksjon.

Samver 14: Gud og vi - eit samfunn av dei heilage. Pinse. Førebu samtalegudsteneste. Prøve.

Samver 15: Samtalegudsteneste.

Samver 16: Øving til konfirmasjon. Evaluering. Går du vidare?

Samver 17: Konfirmasjon.

Samver 18: Individuell samtale med leiar i byrjinga av konfirmantåret.

Samver 19-23: 5 valfrie gudstenester. Å førebu og feire gudsteneste.



Ungdomsledar-trening: Går du vidare? Steg 1. På god veg! Steg 2 og Steg 3
Alder: 15 - 18 (Samvær, til saman timar)

Mål

Personleg vekst som kristen og leiar. Trene og utruste til frivilligheit, gjennom å delta som frivillige i trusopplærings-tiltak. Bygge relasjonar ungdomane i mellom og ungdomane som ein del av kyrkjelyden.

Tema/innhald	<p>Livstolking og livsmeistring Opplive å høyre til i eit fellesskap. Finne sin plass mellom dei truande. Vinne frimod.</p> <p>Tru og tradisjon i kyrkja Gjennom deltaking i trusopplærings tiltak vil ein jobbe med tilhøyrande innhald.(jfr. 4 og 11 årings-tiltak, konf. og ”Størst av alt”-kveld for steg 2 og 3)</p> <p>Kol.3, 12-17</p> <p>Kristen tru i praksis Medvandring: Gjennom observasjon, deltaking og praktiske oppgåver I TOL-tiltak, få høve til å mognast i eiga trusvandring og som del av medarbeidar- fellesskap.</p>
Arbeidsmåtar	Steg 1: Medleiar på 4 og 11 årstiltak. Dette steget tilbyr ein eigen leir i forkant av "Pangstart"-leiren, som dei er leiarar på. Steg 2: Ungdomsleiar; på konf. og ”Størst av alt”-kveld. Steg 3: Ungdomsleiar; deltaking på ungdoms-leiarkurs.
Ansvarleg	Det er og eit mål i ungdomsleiararbeidet å reise på ein eller fleire turar. Barne-og ungdomsprest og trusopplærar
Kommentar:	Dette er rekna som "grunnlagsarbeid" og ikkje som breddetiltak. Difor får vi ikkje telje timar og samver her.



”Størst av alt”-kveld

Alder: 15 - 18 (8 Samvær, til saman 16 timar)

Mål	Å gje ungdomane i eininga ein stad der dei kan søke Gud, modnast og vekse i trua. Tiltaket er sett i gang for å styrke satsinga på gruppa 15-18 år, og for å søke å få fleire aktørar(kyrkje og organisasjonar) til å einast om eitt fellestiltak i månaden så ungdomane kan sjå at det finst andre kristne ungdomar og få nytt frimod.
Tema/innhald	<p>Livstolking og livsmeistring Opplive å høyre til i eit fellesskap. Finne sin plass mellom dei truande. Vinne frimod.</p> <p>Tru og tradisjon i kyrkja Gjennom aktuelle tema for aldersgruppa knyter ein inn det Bibelen fortel om: Den bortkomne sonen; Luk 15,11-32 Jesus er vegen, sanninga og livet; Joh 14,6 Nåde og fred; Ef 2,1-10, Rom 5,1-11 Guds er kjærleik; 1.Joh. 4, 7-21</p> <p>Kristen tru i praksis Feire nattverd, syngje lovsongar, be bønner, sosialt fellesskap. Sjå film/bilete. Delta i lovsongsband.</p>
Arbeidsmåtar	Gudsteneste med enklare liturgisk uttrykk. Andakt. Øve inn songar med band; ungdomar sjølv som musikarar. Nattverd. Bønnevandring: Dele ut hjarte, lystenning, bønnekrukke, knele ved altarringen m.m. Vise bilete/film.
Ansvarleg	barne-og ungdomsprest og ungdomane sjølve
Kommentar:	Fellestiltak. Ungdomsprest har ansvar for info om tiltaket. Kartleggje interesse for Kafe? Vi køyrer ”Størst av alt”-kveld ein gong i månaden, koordinert frekvens med SIM sin lovssangs-samling.



Ungdomsleiar-leir før pangstart

Alder: 15 - 15 (Samvær, til saman timar)

Mål	At ungdomsleiarane skal bli kjent med kvarandre før leirdeltakarane kjem. Verte trygg i rolla som ungdomsleiar.
Tema/innhald	<p>Livstolking og livsmeistring Å høyre til i eit fellesskap. Reflektere over temaet for leiren og kva det kan bety for seg.</p> <p>Tru og tradisjon i kyrkja Arbeide med bibeltekstar som er valde(Sjå PANGSTART 11-13)</p> <p>Kristen tru i praksis Vi samtalar om tema og lyttar til kvarandre. Vi syng, les i Bibelen, ber egne bønner og tenner lys. Vi ber Herrens bøn. Refleksjon om tema også gjennom kreative uttrykk. Vi jobbar med tankar rundt det å vere ungdomsleiar i møte med 11-13 åringar.</p>
Arbeidsmåtar	Bli kjent-samling. Lære leirsong og leirdans. Temasamling. Verkstad 1 – måling. Verkstad 2 – båtar. Aktivitetar ute. Leiartrening. Kveldskos, film. Kveldssamling.
Ansvarleg	Trusopplærarane i Sogndal og Luster

Kommentar: Trusopplærarane informerer og inviterer ungsomsleiarane til ein eigen leir-dagen før 11-13 åringane kjem. Dette er rekna som "grunnlagsarbeid" og ikkje som breddetiltak. Difor får vi ikkje telje timar og samver her.

Andre tilbod til barn og unge i regi av kyrkjelyden og/eller barne- og ungdomsorganisasjonar



Miniklubben

Alder: 6 - 9

Ansvarleg Ester Nordheim og Signy
Fardal

[Utskriftsvennlig versjon \(pdf\)](#)